

# 1 Tesalonicenses

Mamabuinore coyuiyebu Pablo bácu ũi toivaicōjeiye báquede mamayoca paperayocare Tesalónica āmicurīimarocavū Jesúre ju aipōevare. Pablo bácu judíovacacū bácuvacari, Jesús ũi yávaiye méne beorī coyucōjeimū marejaquémavū, соуцсуу ũi yávaiye méne judíova ānevure, judíova ne ju abe boje ũi coyuiyede. Lucas bácu coyurejaquemavū Pablo bácu borore Hch 7:57-8:1, 9:1-31, 13:1-28:31, aru ũi cuede Tesalónica āmicurīimaroi Hch 17:1-10, 20:1-5. Caiye iyoca, Pablo bácu toivaicōjeiyoca báque curiyoca Majeracu Jūmenijicūi yávaiye mamaene coyuitucubo jívuī, mamarūmure ũre toivacaipōescu bácuire toivaicōjeneaquemavū iyoca paperayocare ũi toivaicōjeiquye jipocare apeyocare. Pablo bácu coyurejaquemavū ũre toivacaipōescu bácuire aipe ũi toivacaquye báquede diyocare. Toivaicōjeneaquemavū diyocare āniujūa báquede 50-51 d.C. puque ũi cucunuiyede, соуцсуу Jesús ũi yávaiye méne, ũi cuede Corinto āmicurīimaroi.

Pablo bácu toivaicōjeneaquemavū diyocare ũi cucunuiye eabe boje Tesalónicacavū ne yebai aru Timoteo bácu coyuiye boje ne borore ũi mácuire (2:17-3:6). Coyurejaquemavū náre méne ne parure nuiye boje Jesucristoque, dajocabevūva ne ju aiyede aru ne ñaiye boje yópe ũi ũrōpe (1:2-10, 3:7-9). Coyurejaquemavū náre aipe ñare nuiye jaurōre náre yópe Jūmenijicūi ũrōpe (4:1-12, 5:12-22), aru ne majibeno mácarōre Jesucristoi copaidaquino maquinóra aru ũre ju aivure ne yainíburu nacajarajiyeda (4:13-5:11). Aru ārure ñarejaquemavū ina Tesalónicacavūre aipe ũi ñaiye báquede ne jēneboi, ne ju abenajiyepere ayū apevū borocuede coyurīduivure Pablōjā ne borore (2:1-16).

## Pablo ũi meaicōjeino Tesalónicacavūre (Hch 17.1)

**1** <sup>1</sup>Yū, Pablo, toivaicōjeivū apereure iyoca paperayocare. Silvano aru Timoteoque yū meaicōjeivū mujare, Tesalónica āmicurīimarocavū Jesucristore ju aipōeva cójijivaivure. Mūja majeracu Jūmenijicū aru maje jabocū Jesucristo jinatamu mūja. Majeracu Jūmenijicū, maje jabocū Jesucristomaque, mearo ñacajacurī mujare bojecūbeda ũi me boje. Aru torojurivū cure ñajacurī mujare cārijimevūva.

## Tesalónicacavū ju aipōevape ne jádovaino (Hch 17.5-9)

<sup>2</sup>Torojūede jívūbu ñūja Jūmenijicūre cainūmua jēniaiye coapa caivū mujare, mūje ju aiyē boje Jesúre. <sup>3</sup>Ñūje

coyuiyede majeracu Jūmenijicūque, ñūja ārurivūbu mūje memeinore, mūje ju aiyē boje Jesúre. Ñūja dáriaivūbu mūje memecainore apévure, mūje ne boje Jesúre aru náre máre. Ñūja ārurivūbu mūje napini ñājiyede, mūje coreiye boje maje jabocū Jesucristoi copaidaquijārvure. <sup>4</sup>Mūja, ñūjevū, coreóvaivūbu ñūja mujare Jūmenijicūi umarare. Ñūja majivū mujare Jūmenijicūi beoimarare, ũi jivū bárājivure. <sup>5</sup>Jesús ũi yávaiye méne coyucarā mujare. Ūbenita buebetecarā mujare diede quénora yávaiyeque. Quénora jáðovacarā ñai Espiritu Santo ũi paruéde pōeva ne ñarī majibede ñaiyeque. Jáðovacarā ñūje majiéde máre yavebeda Jesús ũi yávaiye méne jāvene. Ārūjara ñaivure me ñūje cuede mūje jēneboi, aru ñūje cadateiyede mujare.

<sup>6</sup>Mujacapuravū ñavū me ñūjape aru maje jabocū Jesucristope máre. Yópe ñūje ñaiyepere me ñājivureca, nopedeca

mujá máre ñájivavacari ðaðavũ me. Mujé ju aye boje Jesús ùi yávaei méne, apevu ñájine ðaíma mujare urarõreca. Ëbenita ñájiye cuedeca jacopuvã mujá Jesús ùi yávaei méne torojurí. Aru ñai Espíritu Santorecabe torojure ðayu mujare iye torojueque. <sup>7</sup>Que baru caivu ina Jesúre ju aipõeva Macedonia aru Acaya âmicurijoborõacavu, jápiaivu mujé borore, ðaivubu me mujare. <sup>8</sup>Mujavacari majide ðaivubu põevare maje jabocu Jesucristo ùi yávaei méne. Que baru nora jápiaðama mujé borore ina Macedoniacavu aru ina Acayacavu máre. Ëbenita obedivu apenoacavu máre majidivubu mujá ju aivure Jümenijicure caride. Que baru coyüye jaubevu ñujare apevure mujé borore, jave ne majié boje. <sup>9</sup>Quénora caivu ina põeva coyuyama mujé jacopüiyede ñujare me, ñuje eaiyede mujé ñmaroi. Coyuyama mujé dajocaiyede mujé pëpeimarare, memecarãjivu ñai Jümenijicu apucure aru jávene máre. <sup>10</sup>Coyuyama mujé napini coreiyede máre uetubevuva Jümenijicui mácure, copaidacuyure ijãravui cavarõ mearo Jümenijicui curõre jocarí. Ñai Jesúrecabe Jümenijicui mácu. Ëi yainíburu yóboi, Jümenijicu nacovarejaquemavu ùre yainore jaruvári. Ñai Jesús meadayu majare, maje ñájiemenajiyeye ayu Jümenijicui ñájiovaquijãravu baquinóre põevare, ne ãmeina teiye boje.

**Pablo Tesalónicai ùi memecaino**

(Hch 9.23, 29, 13.45, 50, 14.2, 5, 19, 16.19-24, 17.1-9, 13, 18.3, 12; Gá 1.10; 2 Ts 3.8)

**2** <sup>1</sup>Mujá, ñujevu, mujavacari coreóvaivubu ñuje daiyede mujé ñmaroi, me jápiaivure ñuje coyüiyede. Que baru ñuje daiye mujé yebai bojecube ãmeteavũ. <sup>2</sup>Aru mujavacari coreóvaivubu javede ñuje cuede Filipos âmicuríïmaroi, nócvu ne jabova ne ðaiyede ñujare. Ñájine ðaíma ñujare. Aru ãmeina yávaíma ñujare máre. No yóboi, ñuje eaiyede mujé ñmaroi,

obedivu põeva maucuvateima ñujare. Ëbenita Jümenijicu coyüicõjeame ñujare jidubevuva. Aru ne maucuvaede ñujare, coyucarã mujare ùi yávaei méne, Jesús meadayure põevare. <sup>3</sup>Ñuja buebevũ mujare jáve ãmene. Aru buebevũ ãmeümeque máre. Aru jujovabevu põevare ñuje bueiyequé. <sup>4</sup>Quénora Jümenijicui me jáiye boje ñujare, ù beoibi ñujare, ñuje buenajiyeye ayu põevare Jesús ùi yávaei méne. Que baru cainumua bueivubu yópe Jümenijicui bueicõjeiyeye. Buebevũ ñuja, põeva ne me járajiyeye aivu ñujare. Quénora bueivubu ñuja, Jümenijicui me jáquiyeye aivu ñujare. Jümenijicurecabe majicu maje dápiayede. Que baru Jümenijicu jáimi põeva ne ðaiyede aru ne dápiayede máre.

<sup>5</sup>Mujavacari coreóvaivubu ñuje ðaiye báquede mujé jëneboi. Cainumua yávabecarã, jujovarãjivu mujare, mujé ðarãjiyeye aivu yópe ñuje urõpe. Buebetecarã mujare quédara ñajivu mujé ãtuturare. Jümenijicuvacari majibi ñuje ðaiye báquede mujé jëneboi. <sup>6</sup>Põevare pueðaicõjemetecarã ñujare. Vobetecarã ñuja mujare aru apevure máre, mearore jíyede ñujare. <sup>7</sup>Ñujamu Jesús ùi yávaei méne beorí coyüicõjeimara. Que baru ñuja ðaicõjeni buoiaivubu apevure. Ëbenita ðaicõjemetecarã mujare. Quénora meara põevape cútecarã mujé jëneboi. Yópe népacoí meðaiyeye mamarare meadacarã mujare. <sup>8</sup>Ñuje urarõ jecué boje mujare, torojurí buecarã Jümenijicui yávaei méne. Aru caiyede ðaiyutecarã, caðatenajivu mujare pu ñuje yainumuita. Que baru ñuje pare jecumaramu mujá. <sup>9</sup>Mujá, ñujevu, mujavacari ãrurivubu ñuje pare memeni voinore ñujare jauéde. Ñuje cuede mujé jëneboi memecarã ñuja jãravure aru ñamine máre, mujé ñájiemenajiyeye aivu, bojeðaivu ñujare jauéde ñuje bueiyede Jümenijicui yávaei méne mujare. <sup>10</sup>Mujavacari jáivubu, aru Jümenijicu máre majibi ñuje ðaiye báquede mujá Jesúre ju aipõevaque. Caiye ñuje ðaiye

báquede mujare ðacarã mearoque yópe Jūmenijicure memecaivupe. Aru caiye ñuje ðaiye báquede mujare meatevu Jūmenijicui jáinore. Que baru ñame buojabema boropaðaivu ñujare ñuje ðaiye báquede muje jēneboi. <sup>11</sup>Mujavacari coreóvaivubu ñuje ðaiye báquede mujare coapa yópe népacu ñi ðaiyepe mamarare. Bueivu batecárã mujare, muje torojure ðarājiyepe aivu. Cadateivu batecárã mujare, muje chīomenajiyepa aivu. <sup>12</sup>Aru ðaicójeivu batecárã mujare yópe ina Jūmenijicu jina ne ðaiye jaurópe, Jūmenijicui torojūquiyepa aivu mujaque. Jūmenijicurecabe cutuyū mujare meara márajivure aru ñi jaboteinocavū bárājivure máre.

<sup>13</sup>Ñuja jívubu torojuede Jūmenijicure cainumua muje jápaiye báque boje ñujaque Jūmenijicui yávaiye méne. Dápiabeteavū muja pōeva ne yávaiyepe iye yávaiyede ñuje bueiye. Quéhora ju ávū muja diede Jūmenijicui yávaiyepe. Aru jávetamu ñuje bueiye Jūmenijicui yávaiyede. Que baru Jūmenijicu oatuvayūbe mujare me, muje ju aiyede ñi yávaiye méne.

<sup>14</sup>Muja, ñujevu, muje ímarocavū ñájine ðávū mujare nópe ina judíova ñájine ðaiye báquepedeca ina Jesúre ju aivure Judea ámicarijborócavure. Cūináturu vaivu mujare máre. <sup>15</sup>Ina judíova, nárecabu boarí jaruvaivu bécavū maje jabocu Jesucristore. Javede ina judíovavacari boarí jaruvarejaquemavu ina Jūmenijicui yávaiyede coycaipōeva mácavure máre. Aru caride máre ina judíovavacari ñájine ðarí jaetovaðama ñujare máre. Ne que ðaiyeque jorojīne ðaivubu na Jūmenijicure. Aru maucavariyubu caivu apevu pōevare máre. <sup>16</sup>Ina judíovavacari ñujare coyicójemenuivubu Jūmenijicui yávaiye méne ina judíova ámevure, ne meatebenajiyepa aivu. Que teni buojavubu caiye ne ámeina teiyede. Que baru caride uetuii Jūmenijicu jáñu ðaivure ámeno. Que baru ñájine ðacuyūme náre.

**Pablo ñi jácunuiyurō  
Tesalónicacavure cojedeca**  
(Hch 17.5, 18.5)

<sup>17</sup>Muja, jívū, ñujare coatede ðaima ñuje mauva mujare jaruvarí. Cūicójemeteima ñujare mujaque. Ubenita áruicójemeni buojabema na ñujare. Que baru cainumua áruvubu mujare. Maje coateniburu yójiboi, ñuja chīori árutecarã mujare. Járadaiyuríducarã mujare. <sup>18</sup>Ñuja copainuiyuríducarã muje yebai, járajivu mujare cojedeca. Cainumua yávacari, Pablo, mujare jácucopaiyuríducacu. Ubenita ñai abujuvai jabocu, Satanás, ñicójemetequemavu ñujare. <sup>19</sup>Ubenita ñuja torojurājaramu mujare boje maje jabocu Jesucristo ñi copaidaquiyede. Mujarecabu napini corede ðaivu, ñuje cuvarājiyepe aivu mearore. Mujarecabu torojure ðaivu ñujare. Aru mujarecabu ñuje jáðovaimara mearore ñuje bueinore, ñuje bueiye boje muje jēneboi. <sup>20</sup>Jāve mujarecabu ñuje mearore jímara aru ñuje torojumara máre.

**3** <sup>1</sup>Ubenita ñuja napini buojabetecarã jámevu mujare. Que baru cūináturu ñuje ūme majitecarã ñuje ðarājiyede. Ñuja pucarã mauteclarã Atenas ámicarímaroi. <sup>2-3</sup>Aru jarocarã ñai majecu Timoteore muje yebai. U yóvaibi ñujare memecayū Jūmenijicure, coyuyū Jesús ñi yávaiye méne. Que baru jarocarã ūre cadatecuyure mujare, aru parure ðacuyure mujare máre muje ūmei, muje ju ainore Jesúre pueno baju parurō nure ðacuyure, muje dajocabenajiyepa aivu muje ju aiyede Jesúre, pōeva ne ñájine ðaiye boje mujare. Mujavacari coreóvaivubu me majare ñájīye jauróre. <sup>4</sup>Javede ñuje cuede mujaque, coyucarã maje ñájinajiyede. Aru mujavacari coreóvaivubu me jave vaivu majare yópe ñuje aiyé báquepedeca. <sup>5</sup>Que baru yácapūravū napini buojabetecacu coreni majibecu cāreja muje borore. Que baru jarocacu ñai Timoteore, coreóvacuyū aipe curivure muja yópe iye yávaiye

méne coyuiyepe muje ju aiyede. “Ñai abujuvai jabocu jujovaiyucubebu náre. Aru ñuje bueiye báque náre bojecubejebu”, arí dápiacacu yu.

<sup>6</sup>Caride Timoteo copaidaibi mujare jocarí. Ñi coyuiyede ñujare muje borore torojure ðaibi ñujare pare. Coyuibi aipe ju aivure Jesúre aru aipe urivure muje bajumia máre. Coyuibi aipe torojurí arurivure ñujare cainumua aru aipe jáiyurivure ñujare máre, quédeca ñuja máre járanuyuvu muje yebai. <sup>7</sup>Que baru muja, ñujevu, iye ñi coyuiyede muje borore parure ðaibi ñujare ñuje ùmei, caiye iye ñájine ðaiye cuedeca yui ñuje jéneboi. <sup>8</sup>Caride ñuja coreóvaivubu jáve ju aivure muja Jesúre. Muja ðajocabenajivubu maje jabocu Jesucristore. Que baru me curí torojurivubu ñuja. <sup>9</sup>Ûraró torojuede jívubu ñuja Jümenijicure mujare boje. Ñuje coyuiyede Jümenijicure püeno baju torojurivubu, muje ju aipe boje Jesúre paruróreca. <sup>10</sup>Járvure aru ñamine máre paruró jéniaivubu ñuja Jümenijicure, mujare ñi járanure ðaquiyepere ayu ñujare, buenajivu cojedeca mujare iye muje coreóvabede cáreja. Jéniaivubu diede, muje me majinajiyepere aivu aipe ðaiye jauróre muje cuede yópe Jümenijicui uróre.

<sup>11</sup>Jéniaivubu majepacu Jümenijicure aru maje jabocu Jesúque máre, ne nure ðaquiyepere aivu ñujare muje yebai. <sup>12</sup>Aru maje jabocu Jesús püeno baju uraró nure ðajacurí mujare muje uede muje bajumia aru apevure máre, muje uburí apevure me yópe ñuje uere mujare. <sup>13</sup>Que teni parure ðajacurí mujare muje ùmei, ñame ne buojabenajiyepere aivu boropaðaivu mujare muje meara mae boje majepacu Jümenijicui ñi jáinoi maje jabocu Jesús ñi copidaquijárvavu baquinói ñi jivu mearaque. Quédecabu.

**Pablo “Jümenijicure torojure ðaiyurivu, yópe ðajará” arí, ñi coyüino**

**4** <sup>1</sup>Muja, ñujevu, maje jabocu Jesús ñujare bueicójeimi mujare

cojedeca yópe ñuje bueiyepere mujare javede. Coyuivubu mujare, muje me majinajiyepere aivu aipe jauróre muje ðaiyede, Jümenijicui me jáquiyepere aivu mujare. Caride ðaðavü muja yópe Jümenijicui uróre. Que baru paruróreca jéniaivubu ñuja mujare, muje ðaräjiyepere aivu yópe Jümenijicui uróre püeno baju cainumua. <sup>2</sup>Mujavacari coreóvaivubu buevure ñuja mujare yópe maje jabocu Jesús ñi bueicójeiyepere. <sup>3</sup>Yópe ñi ñai Jümenijicui: Muja coapa ðajará mearore cainumua. Meara májara muja, ñi jina muje teiye boje. Que baru cubejará muja apevunque mujemarebucava ámevunque. <sup>4</sup>Me curará muja coapa mujemarepacoque Jümenijicui jánore aru póeva ne jáiyede máre. Puedajará muja coapa mujemarepacore. <sup>5</sup>Ðabejará nápe ina Jümenijicure coreóvabevure. Ðaðama na ámenore, Jümenijicui ubenore, ne puedaiye majibe boje nomivare. Ðaðama ámenore náque. <sup>6</sup>Que baru jujovabejará muja apecu mujecure, ámeno ðaivu jímarepacoque. Javeita ñuja coyucará mujare paruróreca aipe maje jabocu Jümenijicui ñájine ðacuyure caivu ina nópe ámeno ðaivure. <sup>7</sup>Jümenijicui cutuibi majare ñi jina márajivuva. Que baru buojabevu maja curivu ámeümeque. Quénora maje meara mae javuvu majare, maje curäjiyepere aivu me Jümenijicui jánore, ñi jina mae boje. <sup>8</sup>Aru ácu póecu ju abecu baru iye ñuje bueiyede, ju abeniduibi ñi apecu póecui bueiyede. Quénora ju abebi ñi Jümenijicui yávaiyede, ñai daroyu mujare ñai Espiritu Santore. <sup>9</sup>Iye muje uede muje bajumia toivabenajivubu ñuja. Muja me urivubu muje bajumia. Que baru diede toivaiye javuvu ñujare. Javede Jümenijicuvacari majicaibi mujare, Jesúre ju aipóevare, jauróre muje bajumia uede. <sup>10</sup>Nopedeca mujacarpüravu cainumua urivubu ina Jesúre ju aipóevare, caino Macedonia ámicurijoborócvure. Paruróreca jéniaivubu ñuja mujare, muje uräjiyepere aivu yópe Jümenijicui uróre püeno baju cainumua. <sup>11-12</sup>Caiye muje ðaiyeque

püeno ðajarã, cãrijimevüva curãjivü apevüque. Ðaicõjemejara apevüre aipe ðaiye jaurõre náre ne ðaiyede. Memejara müja coapa, cuvãrãjivü müje ãiyede, müje curiñamiare, aru caiye apede müjare jauéde máre. Yópe iye ñuje ðaicõjeiyere müjare caride, nopedeca ðaicõjecarã müjare jipocamia, ina Jesúre ju abevü ne pueðarãjiiyere aivü müjare me, müje corebe boje apevü ne jiyede müjare jauéde, aru ye jaubequiyere aivü müjare.

**Maje jabocu Jesús ñi copaidaquino**

(Mt 24.30-31, 43; Mr 13.26-27; Lc 12.39; Ro 13.12; 1 Co 15.51-52; Ef 6.13-17; 2 P 3.10)

<sup>13</sup>Müja, ñujevü, vüvü ñuja müje majinajiyede jáve aipe vaivüre ina Jesúre ju aipõeva yaivü bácvüre. Chõimejara müja müjevü ju aipõeva yaivü bácvü boje yópe ina ju abevü ne chõioyere, ne napini corebe boje jãravü cüiméjãravü baquinóre. <sup>14</sup>Coreóvaivübu maja yaivyú bácvüre Jesús, aru nacajañü mácvüre yainore jarvüvarí. Que baru coreóvaíyere jaivü müjare nacovacvüre Jümenijicüre ina Jesúre ju aipõeva yaivü bácvüre Jesús ñi copaidaquiyede ijãravüi.

<sup>15</sup>Que baru caride ñuja covüiyüvübu müjare me iye Jesús ñi bueiye báquepe ñujare. Jesúre ju aipõeva arvüvü ijãravüi maje jabocu Jesúi copaidaquijãravü baquinóre covü nunenajaramu ñre ne jipocamia ina Jesúre ju aipõeva yaivü bácvüre jocarí.

<sup>16</sup>Põeva jápiarãjarama covoboborí cõjeiyede; aru ángelevai jabocuí yávainore; aru Jümenijicüi japuiyore, trompeta ámicüriyore, japuiye pare bujiéde máre. Dinümüiareca maje jabocu Jesúsvacarí êmecvüme cavarõ mearo Jümenijicüi curõre jocarí. Aru ina Jesúre ju aipõeva yaivü bácvü nacajarajarama yainore jarvüvarí.

<sup>17</sup>No yóboi, maumena Jümenijicüi cõjjiovacvüme ina Jesúre ju aipõeva arvüvüre cãreja ina ñi nacovaimara mácvüque. Aru cüinátüvü caivü maja

covü nuri jacovürajaramu maje jabocu Jesúre ñmüi oopeniboa yebai. Que teni curãjaramu maja maje jabocu Jesúque cainümüa. <sup>18</sup>Que baru chõimejara müja. Covüjarã iye borore, torojüre ðarãjivü müje bajumia.

**5** <sup>1</sup>Müja, ñujevü, põescu cubebi majicü aipijãravüa jaurõre aru aipe vaiquiyede maje jabocu Jesús ñi daquiyere jipocare. Que baru toivaíyere jaubevü ñujare diede. <sup>2</sup>Müjavacari coreóvaivübu me maje jabocu Jesús copaidacvüre ijãravüi põeva ne corebede, ñi copaidaquinümüre majibedeca yópe ñavaipõescu daiyere ñamine põeva ne corebedeca. <sup>3</sup>Põeva, yópe arí, covüridurãjarama ne bajumia: “Caino cãrijimene ðaivü. Yéde jidubevü maja”, aridurãjarama. Aru ne nópe covüriduiyedeca, cüinã bíjarãjarama na. Ñájini búrãjarama maumejiena. Aru dupini majibenajarama na diede jocarí. Ñájinajarama na yópe ico juedocovacodo maumejiena ámei ijiéde ñájiyere põedare ðacodo mamajicüre.

<sup>4</sup>Übenita müja, ñujevü, müjacavüvü Jümenijicüre coreóvabevü ámevü müja. Aru ámeina teivü ámevü müja nápe, Jesúre ju abevü, ñeminoi curivüre. Que baru müje coreóvaíyere boje maje jabocu Jesús dacvüre, ñi cuavabecvüme müjare ñi copaidaiyede ijãravüi, yópe ñavaipõescu ñi cuavaíyere cüramicavüre. <sup>5</sup>Caivü müja Jesúre ju aivü majidivüre ðaivübu cainümüa põeva ne jáinoi müje ðaiyede, müje coreóvaíyere boje Jümenijicüre. Que baru caivü müja miadãroi curivü jãravücvüpebu. Maja Jesúre ju aivü ðabevü cainümüa majibeivüre, ne coreóvabe boje Jümenijicüre põeva ne jáiyede maje ðaiyede. Que baru ñamicavü aru ñeminocavü máre ámevü maja. <sup>6</sup>Que baru dápiabenajarevü maja nápe, Jesúre ju abevüre. Cãivüpebu na. Quénora dápiarãjarevü maja me arvüvüre, me oaburí coreivü maje bajure. <sup>7</sup>Naminocabu ina caivü ne cãiyede. Aru ñaminocabu ina pacoteivü ne pacoteiyede. <sup>8</sup>Übenita majacavüvü

coateivubu ina ñamicavure jaruvãrĩ. Aru ñeminoi cubevu maja. Quénora járavucavutamu maja. Aru miadároi cuivubu maja.

Que baru me ñaicõjeiye javvu maje bajure. Maje ju aye Jūmenijicure javvu majare aru maje ue apevure máre. Yópe ñarĩ taoivubu maja nópe churarava ne taoiyepe ne bajure járariçaje doicajeque. Aru javvu majare maje napini coreiye Jūmenijicui meadaquiyede. Nópe ñarĩ taoivubu maja yópe churarava ne taoiyepe ne jipobure járaribo moiboque. <sup>9</sup>Que baru Jūmenijicu epebebi majare ñájine ñacuyu. Quénora epeibi majare maje jabocu Jesucristoi meadaquiyeye ayu, ñájimemuri ámenaque. <sup>10</sup>Jesús yaidéjamedã majare boje, maje curãjiyepe ayu úque cainumua. Ina apurivũ cãreja aru ina yaivu bãcavu máre ñi copaidaquiyede caivu maja cūináturu curãjaramu úque cainumua. <sup>11</sup>Que baru parure ñajarã muja pũeno baju cainumua, muje baju ju aiyede Jesúre parurõ nure ñaquiyepe aivu. Aru cañatejarã cainumua muje bajumia, nopedecca muje ñare ñuiyepe caride.

**Pablo ñi majicaino Jesúre ju aipõevare aipe ñaiye javurõre náre**  
(Fil 4.4, 6; Col 4.2-7)

<sup>12</sup>Muja, ñujevu, ñuja jēniaivubu parurõrecca mujare, muje pueñarãjiyepe aivu ina memecaivure maje jabocu Jesúre muje jēneboi. Nárecabu maje jabocu Jesúi epeimara, jabetenajivu aru majicarãjivu máre. Aru buenajivubu mujare aipe ñaiye javurõre, muje ñarãjiyepe aivu mearo maje jabocu Jesús ñi jáinoi. <sup>13</sup>Que baru pueñarã náre. Aru pare urã náre, ne cañateiye boje mujare. Cujarã muja cãrijimevũva mujevũque.

<sup>14</sup>Muja, ñujevu, ñuja jēniaivubu parurõrecca, muje ñarãjiyepe aivu yópe mujare javéde. Majicajarã ina memeiubevure, ne memenajiyeye

aivu. Torojure ñajarã ina jidubevure, ne jidubenajiyeye aivu. Cañatejarã ina chõivure, ne torojure ñarãjiyepe aivu ne ũmei. Aru napijara caivure.

<sup>15</sup>Аресу ñi ámeno ñaru cūinácũ mujacacure, ñabejacurĩ ámeno úre copũ. Quénora cainumua napini dápijarã muje ñarãjiyede mearore muje bajumia aru caivu põevaque máre.

<sup>16</sup>Torojjarã muja muje ũmei. <sup>17</sup>Aru uetubevũva coyujarã Jūmenijicũque.

<sup>18</sup>Aipe vaiye vajjarõri mujare.

Cainumua torojuede jjarã Jūmenijicure. Jūmenijicu ũbi maje nópe ñaiyede, maje ju aye boje úre.

<sup>19</sup>Ñai Espiritu Santore maucvabejarã muja ñi ñaiyurõre mujaque.

<sup>20</sup>Jūmenijicui yáviyede coyucayiedeca jãpiayubevure tebejarã muja. <sup>21</sup>Caiyede me jãri coreõvajarã muja. Aru coreõvarĩburu yóboi, ñajarã caiye méne. <sup>22</sup>Ubenita ñabejarã caiye ámene.

<sup>23</sup>Jūmenijicvavari, cãrijimenoque cure ñayu põevare, cure ñajacurĩ mujare caivu meara baju. Aru corejacurĩ mujare coapa caivu, muje decocure, muje ũmene, aru muje bajure máre, muje boropatebenajiyeye aivu maje jabocu Jesucristoi copaidaquijaravũ baquinói. <sup>24</sup>Jūmenijicu cutuibi mujare ũ jina mãrajivũva. Aru cainumua ñayube yópe ñi aye báquepedeca. Que baru úvacari mearo ñacacuyume mujare.

**Pablo ñi meaicõjeino Tesalónicavure**

<sup>25</sup>Muja, ñujevu, jēniajara Jūmenijicũque ñujare. <sup>26</sup>Meaicõjeivubu ñuja caivu muja Jesúre ju aipõevare. Me jacoyjarã muja mujevure, muje jivare nuri, muje Jūmenijicu jina mae boje. <sup>27</sup>Maje jabocu Jesús ñi jáinoi yu jãri boroteicõjeivũ mujare iyoca paperayocare caivu mujevũ Jesúre ju aipõevare. <sup>28</sup>Me cujarã muja maje jabocu Jesucristo ñi mearo ñacaiye bojecubeda ñi me boje. Quénoram.